

# 大日本史


六十一

第一百四十卷 列傳  
 源滿仲 平維茂 藤原保昌  
 第一百四十一卷 列傳  
 源經信 藤原齊信 源俊賢 藤原公任 藤原行成  
 第一百四十二卷 列傳  
 藤原師實 源師房

				和書門
二〇	二五	五八		
一五	一三	三八		
冊	架	函	號	類

内閣文庫			
番號	和	20258	
冊數	150 ( 61 )		
函號	138	105	

架冊〇九-六五應和





大日本史卷之一百四十

淺草文庫

源滿仲

列傳第六十七

源光圀

權中納言從三位源光圀

源重校

男權中納言從三位綱條重校

源重校

玄孫權中納言從三位治保重校

源滿仲

子賴光 賴信

源維茂

平維茂

藤原保昌

藤原保昌

源滿仲鎮守府將軍經基長子也仕村上冷

大日本史

卷一百四十

列傳

下



泉圓融華山四朝為人勇略善和歌尊卑分脈

自王公以下皆器重之朝廷賴為爪牙物今昔語

累歷常陸介武藏攝津越前伊豫陸奧等守

左馬權頭治部大輔拜鎮守府將軍至正四

位下聽內昇殿尊卑分脈天德中賊倉橋弘重等

夜入其家掠資財滿仲射獲弘重敕索捕其

黨中臣良材紀近輔等古事談後賊又圍其家

放火煙焰甚熾延及三百餘家越後守官道

弘氏來救之中賊矢而死滿仲拒而卻之日本

紀略安和二年橘繁延繁延據日本紀略○扶

衰記敏繁藤原千晴僧連茂等謀奉為平親王

作亂滿仲亦預其謀既而有憾于繁延源平盛衰

記遂與武藏介藤原善時上變告之日本紀略扶桑

略記辭連親王外舅左大臣源高明右大臣藤

原師尹欲排陷高明代其位故專奏讞其獄

源平盛衰記救遣滿仲弟檢非違使滿季搜捕其

黨流繁延千晴等賞功進滿仲善時階日本紀略

滿仲性好漁獵忍殺生其子僧源賢深患之



與惠心院僧都源信誘道之、滿仲大感悟、古事

談、今昔乃召從士謂曰、我久從戎事、未嘗一

日懈緩、明日當剃髮、我為武人、止於今夕、汝

輩善為衛護、即使兵五百、擐甲負弓矢、環館

達旦、明日遂剃髮、今昔更名滿慶、尊卑號多

田新發意、源平盛衰記○按神皇正統記曰、

敢稱入道者、如源滿仲、悉放鷹鷄、燒網罟、古

亦剃髮稱新發意云、從士五十餘人亦從而剔髮、今昔

事物、今昔從士五十餘人亦從而剔髮、今昔物

人、女談、作男十餘人、受戒之日、至殺生戒、佯睡不

聽、後陰造源信曰、向弟子受戒、心深戒殺、而

使家人知之、恐生輕侮之心、故不輒奉教、意

師之不悅、是以來謝耳、古事遂歸佛乘、頗通

止觀之旨、小笠原滿仲嘗居攝津多田、故家

號多田、尊卑天祿元年創多田院、帝王編年

脈、今昔元、年據編年、記、天祿長德三年卒、尊卑年八十

六、諸系圖竝云、寬和二年剃髮、年七十五、長


三年、相、距十二年、諸系即葬多田院、安其像、

多田院後土御門帝文明四年、敕贈從二位、



親長記、多田院文書、初滿仲以為鎮護之任、非有利劍、不足以示威、數鳩冶工、多作刀劍、皆不愜其意、聞筑前有良工、因召而使作、亦不如意、工憂之、祈神七日、精鍊六十餘日、乃得二刀、滿仲大悅、試斬死囚、其餘勢一截其鬚、一斷其膝、名曰鬚切膝丸、源氏世傳寶之、平家物語、劔卷、子賴光、賴親、賴信、僧源賢、賴親歷左衛門尉、檢非違使、信濃大和等守、敘正四位下、尊卑承四年興福寺僧徒來攻其館、其子前加賀

守賴房等拒戰、卻之、殺傷頗多、扶桑略記僧徒怒訴于朝、五年朝議定其罪、流賴親於土佐、扶桑略記、百鍊鈔、歷代皇紀、尊卑分脈、賴房於隱岐、扶桑略記、歷代皇紀、尊卑分脈、賴親子孫稱大和源氏、尊卑分脈、源賢小名美女丸、幼而就學於延曆寺、舉措狡惡、後事僧源信、折節求法、終有所得、小笠原系圖號多田法眼、尊卑分脈好和歌、所著有樹下集二十卷、八雲御鈔傳于世、





賴光為人英武、驍勇冠世、善射、以將略稱、歷事圓融、華山一條三條、後一條五朝、累歷攝津、伊豫、美濃等諸國守、兼內藏頭、遷左馬權頭、聽內昇殿、至正四位下、尊卑分脈長保中為東宮大進、侍皇太子、時有狐卧于殿上、皇太子命賴光射之、賜御弓及蓆目矢、對曰、臣壯歲或射麋鹿之類、久不試藝、中之不易、如其不中、適足以墜家聲、敢辭、皇太子強之、乃射中其胸、狐墜地、皇太子及羣臣感其能以弱弓

重矢射中之、賜寮馬賞焉、賴光拜謝曰、此非

微臣射藝之功、唯藉祖先神祐之力也、今昔物語

寬仁中改造皇外祖母京極第、賴光進其器

用、凡家中所須物、無不悉備、極其精巧、藤原


道長甚驩、小右記、榮華物語弟賴信初事藤原道兼、

嘗謂我能殺關白道隆、使吾主人代之、我提

劍突入、誰得防之哉、賴光聞而大駭、責諭曰、

汝勿妄言、得志誠難、縱雖能殺、一旦事泄、則

主人何得為關白、若事不發露、代為關白、沒





世之間蔽之亦甚難矣賴信乃服古事治安  
元年卒尊卑賴光嘗夜過賴信宅宴飲適見  
繫一人於殿中問彼何人賴信曰鬼同丸者  
也賴光曰彼多力何不嚴其縛賴信乃令繫  
以鐵鎖鬼同丸聞其言大怨之爾夜賴光醉  
卧賴信家鬼同丸脫鎖逃出潛上承塵將伺  
便刺之賴光召從士警衛左右鬼同丸不得  
發欲要諸歸路乃赴鞍馬至市原殺野牛匿  
身其間以待之既而賴光至源綱平貞道等

從綱姓據尊卑分脈賴光見牛羣游令

從士射之綱見斃牛射中之牛突然而起俄

而鬼同丸跳出揮刃逼賴光賴光挺刀斬之

遂墜其首人服其勇武古今著綱貞道與平


季武季武姓據公時姓竝在賴光部下以驍

勇齊名世稱曰四天王劍綱祖仕任武藏守

父宛稱箕田源次綱為源敦所子養敦者滿

仲婿也尊卑綱養母居攝津渡邊劍因以渡

邊為氏太平初宛與貞道父良文竝居東國





各恃其勇武不相下、適有人聞之者、二人大  
 怒、欲與相接戰、以确勝負、乃剋日定約、各率  
 兵數百、出陣于野、既而良文使人謂宛曰、與  
 率衆而戰、曷若單騎相當、以決雌雄、宛亦然  
 之、於是二人徑前注矢、良文發矢、宛回身避  
 之、宛發矢、良文亦如之、縱橫馳騫、交相發矢、  
 而不能中焉、二人各服其技、乃相謂曰、吾與  
 子、非有深讐、欲一戰以校勝負耳、今已各試  
 其技、亦可以已矣、乃輟兵講和、深相結託云、

今昔物諸綱曾孫直有勇力、分尊卑仕源義家、從陸

奧役、奧州後三年軍記賴光子賴國、賴家、賴基、賴國

仕至左馬權頭、賴家在歌人傳、賴國六世孫

行綱任伯耆守、為藏人、世居攝津多田莊、稱

多田藏人、分尊卑後白河法皇謀滅平氏、權大

納言藤原成親諭密旨於行綱、啗以重利、委

將帥之任、行綱許諾、既而意中變、以為衆寡

不敵、勢必難成、事若發覺、禍至無日、乃馳至

福原、以狀告清盛、清盛大驚、流竄成親等、世



惡其反覆平家物語源及源賴朝起行綱欵

附源義經之去京師赴南海也路歷攝津河

尻行綱帥兵邀之反為義經所擊破東鑑

賴信為人剛果明決練達兵法與兄賴光齊

名又與藤原保昌平維衡平致賴竝以驍勇

稱而賴信為之稱首十訓仕一條三條後一

條後朱雀四朝歷治部權少輔左馬權頭伊

勢陸奧甲斐等諸國守為上野常陸介拜鎮

守府將軍至從四位上尊卑長元元年前上

總介平忠常作亂於下總朝廷命檢非違使

平直方中原成道討之日本紀略忠常侵掠

州郡勢甚強大今昔物語二將屢攻之久而無功

日本紀略三年九月更敕賴信及坂東諸國

司討之日本紀略賴信時為甲斐守日本紀略扶

記率兵抵常陸將攻之○按本書以此為賴

據小右記賴信信任常陸介在長和中致紀略

治拾遺以為上野介時事亦誤左衛門尉平惟基諫曰忠常

依阻嶮隘軍鋒甚銳難可猝攻請俟兵集而



行、賴信不聽、遂率兵赴下總、惟基率騎三千來會鹿島、忠常臨大水設壘、悉收舟楫、賴信至則不得濟、乃使大中臣成平往諭以利害、招之、忠常不從、賴信集衆、問攻戰之術、咸曰、無舟何以濟、賴信曰、如環水而行、則徒曠日、賊益固守、意賊恃險不設備、如直濟而出、其不意則可一鼓而拔、不如急攻之、我嘗聞此河有淺處、廣一丈許、水僅及馬腹、豈軍中有能知之者乎、有真髮高文者進曰、我濟之

熟矣、請先渡、遂馳入水、令一卒從其所行、立葦爲標、於是全軍亂流而進、忠常果不設備、見大衆至、不敢逆戰、惶怖出降、軍士相謂曰、吾徒皆生長此地、而知其津渡者、不過三人、將軍始來而能言之、殆非人之所及也、今昔物語明年六月、賴信以忠常歸京師、忠常病而道死、斬首傳于京師、扶桑略記、百鍊鈔、左經記、朝廷嘉其功、疇賞之、賴信懇請曰、臣恭奉敕旨、討逆賊、而未及接戰、賊倉皇就擒、實是天威之所致、臣



何力之有、臣向謬蒙國恩、忝任四國、而衰老日迫、難從事於遠任、如得改任丹波、則臣志願足矣、既而又以其母墳墓在美濃、請任其守、記小右明年遂為美濃守、春日若宮神主所藏編年殘篇後遷河內守、尊卑分脈今昔物語初關東有良馬、賴信求而得之、及歸京、有盜欲路奪之、多方計之、不得行、至京師偵之、子賴義心欲得之、入侍賴信、賴信逆謂之曰、我得良馬、明旦當與汝、賴義悅而留宿、會風雨甚、盜乘間偷馬而去、賴

信以為盜必東國人、負胡箠單騎逐之、賴義亦驚起、執弓矢騎而東馳、至關山及之、盜乘其馬、徐徐涉水、夜黑咫尺不辨、賴信謂賴義必來在後、顧而呼曰、射之、言未訖、忽聞弦聲、其馬驚逸、鐙撼有聲、賴信曰、盜斃、汝取馬來、乃先歸就寢、賴義遂得馬而還、賴信心深嘉之、明日飾其馬與之、初賴信為上野介、右兵衛尉藤原親孝從在其國、縛盜於家、盜脫枷鎖遁出、劫親孝兒為質、走據壺屋、擬刃其胸、



親孝驚悲、不知所為、固囑家人曰、莫敢逼近之、如使彼殺兒、則寸斬其肉、何益、走見賴信、泣訴之、賴信笑曰、勇士臨事、不顧妻子、如何以一兒之故、狼狽如此乎、乃自往視之、盜見其至、屏息不敢仰視、捉兒益急、賴信叱曰、汝欲殺此兒乎、將欲免死乎、明言之、盜對曰、我豈為殺之乎、苟為活命之地耳、賴信曰、速舍此兒、我不汝殺、盜懾伏從之、賴信命曳出盜、親孝請斬之、賴信不許曰、彼窮為盜、貪生劫

兒、不忍深罪也、且我與彼約、豈可食言哉、乃

與之糧、馬、弓、矢而去、今昔物語永承三年卒、尊卑分

年八十一、諸系圖並云、康平三年卒、年六十、武田系圖、小笠原系圖並云、安和

元年生、永承三年卒、年八十、子孫相繼皆名


于世、今昔物語子賴義、賴清、賴李、賴任、義政、賴義

自有傳、賴清肥後陸奧等守、子孫號村上、賴

李掃部助、號井上、皆居信濃、賴任號河內、義

政號國井、尊卑分

平維茂、鎮守府將軍繁盛孫也、父兼忠、上總





介平氏系圖為繁盛維茂少有勇略從祖父

貞盛甚奇之養為子後拾遺往生傳元亨釋書貞盛多養

姪及從姪為子維茂年最少行居十五故曰

餘五初維茂在陸奥與國豪族藤原師種爭

田師種據尊卑分脈訟守藤原實方實方不

能斷交生嫌隙集兵相攻既而師種避維茂

勢強歛兵奔常陸維茂侮之不設備師種急

來襲之維茂夜聞水鳥驚覺師種至急起戒

兵見卒僅二十人維茂使妻子逃避身親力

戰及曉自火其宅士卒皆傷死維茂被髮著

婦人服潛逃匿萑葦間師種徧檢其屍燒爛

不可識別謂維茂既死大喜而去維茂士卒

聞變至者數十人維茂大呼曰我不死汝等

無憂乃督士卒欲急追之皆曰彼眾我寡不

如暫避其銳而圖後舉也維茂曰昨夜我自

分萬無勝理而挺身獨奮者誠耻彼謂望風

而潰走也忍辱苟生不如一死之快彼狃一

勝而不慮後我襲其不意則無不克我意已



決去留任汝所欲士卒皆奮躍而從師種路過妻兄大君家大君拒不納而為酒饌餉之師種至櫛原饗士卒士卒卸鞍醉卧維茂追及之師種見維茂至騷擾失度維茂急擊敗之斬師種乃進至其宅今日男子殺勿遺婦女勿傷遂放火燒之擒師種妻禮送於大君而還自是維茂威名大著關東今昔時人服其勇敢推稱將軍東鑑文治四年後為出羽介印本分脈拜鎮守府將軍印本維茂歷任諸書無所考定

蓋在一條一條三條後一條之朝卒年八十世稱餘五將軍維

茂篤信佛教練習法華屢從僧源信問法焉

後拾遺往生傳元亨釋書東鑑○世傳維茂嘗過信濃戶隱山有羣盜伴作婦人耕誑維茂

又著夜叉假面劫之維茂擊殺之口碑所載不贅于此又按越後蒲原郡小川莊平等寺維茂所建寺

有維茂墓云子繁貞繁兼繁茂繁職繁茂

出羽介平氏系圖○本書繁茂繁茂玄孫長

茂自有傳

藤原保昌大納言元方孫父曰致忠尊卑天

曆中為藏人除備後守江談歷右京大夫右





馬權頭敘從四位下分尊卑永延中坐保輔事

免紀日本略長保元年射殺前相模介橘輔政子

及其家僮據今昔物語長保元年廷議決其罪

流于佐渡小右記日本紀略○江談鈔曰村

有奉旨往復粗曉天文後偶在厠對人談天文

助故熒惑射我怪誕不經故不取致忠娶源

允明女生保昌尊卑分脈○按本書作元明

也皇子源允明保昌為人膽智勇決膂力過人

精達武藝今昔物語與甥源賴信等齊名十訓兼

善和歌後拾遺集為左馬頭小右歷任丹後大

和攝津等守丹後守據古事談十訓鈔大和

部類作者至四位作者部類○按長和中帝幸

左大臣道長第觀競馬以察馬肥壯賜保昌

物小右保昌赴任丹後路歷與謝山有一老

者騎馬戴笠而倚樹下從者欲叱而下之保

昌戒之曰視彼據鞍按轡所謂一人當千者

殆非庸人既而遇平致經率眾而至見保昌

曰公向見老翁乎是我父平五大夫也田舍



翁素疎禮法、恐有失敬、致經既去、保昌顧謂  
 從者曰、向從汝等言辱之、則悔何及焉。十訓鈔古  
 事談、保昌嘗冬夜微行、時有巨盜袴垂者、多力  
 善走、劫剽為業、見保昌欲褫其衣者數矣、保  
 昌吹笛而回顧、袴垂不覺心悸、謂非常人也、  
 拔刀擊之、保昌叱之、袴垂惶怖伏地、保昌問  
 其名、乃自首、保昌曰、我嘗聞汝名、汝亦非碌  
 碌者、從吾而來、復吹笛、從容而行、既而還家、  
 與之絮衣而誡曰、之則復來、勿侮人而受害、

今昔物語 長元九年卒、年七十九。歷代皇紀 有子

僧快範、號島禪師。尊卑分脈 議者謂保昌固非將

種、而以武幹見稱、朝廷重焉、惜子孫無復繼

業者云。今昔物語 保昌弟保輔、江談鈔 為兄任右兵衛

尉。尊卑分脈 為人貪戾凶暴、事多不法、永延中下

獄死。續古事談

大日本史卷之一百四十終







藤原行成

源經信、民部卿、道方第六子、公卿補任博識多藝、

公卿補任古妙和歌、與藤原公任並稱、八雲御鈔

古今著聞集長元初敘從五位下、為參河權守、長

曆寬德間、任刑部少輔、少納言、左馬頭、永承

中進正四位下、公卿補任圓融院八講、經信赴會、

過北野廟前、不下車、人怪問其故、對曰、四位

不拜二位、於式有之、管公存日、位不過二品、

沒而為神、何享非禮哉、古事談、東齋隨筆天喜治曆

間、歷左右中辨、藏人頭、遷右大辨、任參議、兼

伊豫權守、延久初為中宮權大夫、兼大藏卿、

累敘正三位、轉左大辨、公卿補任帝詣住吉、羣臣

獻和歌、經信作序、其歌曰、於岐豆加是、布岐


珥計羅志奈、須美庸志能、麻都能志豆、延遠、

阿羅布志羅奈美、異日經信謂子俊賴曰、古

今集所載、躬恒住江之歌、譬諸任大臣、其大

饗之日、吾歌當入中門、就史生席乎、俊賴曰、

大人豈出躬恒下乎、以今論之、大人之歌、猶





大日本史 卷一百四十一 列傳 三

一大納言徐步昇南階、與大臣對坐耳、經信

悅、袋草子、古今著聞集、十訓鈔語人曰、躬恒歌、如老翁戴

錦帽、彈琵琶、憑紫檀几、眺望吟詩也、對此者

唯我此歌也、十訓鈔、○按三五記或評此歌、曰、如松下綠苔、山風瀟灑之地、

八十老翁戴錦帽、憑紫檀几、坐虎皮、彈和琴、吟望、又曰、帝問經信曰、汝歌與躬恒歌孰勝、

對曰、臣歌當對躬恒、然實出躬恒之上、其承、自負如此、袋草子亦載此事、與此稍異、

保元年為皇后宮權大夫、兼勘解由長官、尋

任權中納言、公卿補任白河帝幸西河、設詩歌管

絃三船、選一時名輩、隨其所長分乘之、三船

既泛中流、經信猶未至、帝不懌、頃之、經信來

跪沙汀、喚曰、請回船、乃上管絃船、彈琵琶、獻

詩歌、帝欣然、蓋經信以長於三事、不斥言某

船也、古今著聞集、十訓鈔事與公任相類、世竝稱美之、

御府有二琵琶、曰玄象、牧馬、世傳以為名器、

帝每經信、試彈牧馬、且問曰、二器孰勝、經信

奏曰、昔一條帝使源信明兄弟試之、信明彈

玄象、弟信義彈牧馬、牧馬勝焉、相換而彈、玄

象勝焉、然則非器之有優劣、惟由人之工拙

大日本史 卷一百四十一 列傳 三



大日本史 卷一百四十一 列傳 三十一

耳乃彈玄象果如其言古今著聞集承曆初敘正

二位四年高麗王遣使請名醫丹波雅忠事

下公卿議之經信後至曰高麗王之病於我

何與遂不遣十訓抄續古事談承曆四年據百鍊抄永保初兼

民部卿尋轉權大納言兼皇后宮大夫嘉保

元年為太宰權帥二年赴府公卿補任路宿筑前

筵田驛會八月十五夜驛邸有大槻樹蔽月

經信命伐之通宵彈琵琶朗吟其風致如此

古今著聞集承德元年薨於府年八十二公卿補任經

信資性穎敏遇事能斷有人射狐於某社頭

社以狐為神事及廷議將處之法經信謂曰

白龍魚服挂豫且之密網由是其人得免罪

續古事談源定通為童殿上人廷議欲官之經信

曰嘗聞童子任官者唯宇治關白之牧牛童

耳滿坐道然事竟寢古事談延喜以後無歌可

觀唯有公任經信經信殆逼古風然世無識

者後人謂如楚有屈子此時藤原通俊亦以

歌自負常與經信大江匡房等互相論難匡

大日本史 卷一百四十一 列傳 四



大日本書紀卷之四十一  
藤原基綱傳

房才出通俊右、通俊奉白河帝命、撰後拾遺、

經信著難後拾遺集、凡朝廷和歌會、經信無

不與、或為判者、或為序者、世稱天下判者、八雲

御嘗居桂里、稱桂大納言、尊卑其日錄曰帥

記、仁和寺書十基綱、俊賴、尊卑俊賴歌人傳、

基綱承德初補藏人頭、任參議、康和長治間、

累敘正三位、拜權中納言、永久四年兼太宰

權帥、至正二位、明年薨于府、公卿年六十八、

尊卑基綱善琵琶、與藤原宗俊、政長等齊名、

古今著聞集其赴太宰、白河法皇面敕曰、卿以衰

暮、遠赴任、琵琶秘曲、料應有所付授、基綱奏

曰、臣二子闇劣、皆非其器、孫女雖幼、性甚聰

慧、非二子之所及、臣之所得、傳而無遺、及基

綱薨、帝思其言、召見其女、與琵琶彈之、女年

僅十三、凡其祕曲、咸能奏之、帝大感賞、十訓

取體源鈔、

藤原齊信、太政大臣、為光第二子也、公卿資

質英敏、練習典故、愚管寬和正曆間、累歷

大日本書紀卷之四十一  
藤原基綱傳



左近衛中將補藏人頭兼備中播磨等權守、  
 後任參議、長保中叙從三位、為權中納言、兼  
 右衛門督、補檢非違使別當、寬弘初帝幸松  
 尾及平野社、齊信為行幸行事、車駕還宮、特  
 擢從二位、班在藤原時光藤原公任上、世以  
 為榮、尋陞正二位、轉權大納言、長和中兼按  
 察使、寬仁四年為大納言、公卿補任萬壽中蹈歌  
 節會、右大臣藤原實資為內辨、著座于陣、拜  
 閱宣命、帝起入內、右近衛中將源師房當唱

警蹕、而齊信從傍唱焉、眾皆愕眙、古今著聞集藤

源行成記其失錯於扇、子行經持而入朝、左

近衛少將源隆國誤執其扇、遂以其事播於

眾、齊信怨之、古今著聞集行成曰、我無意愛憎、

常尋繹禮儀、每有朝會、退而注記、故姑書之、

以備遺忘、而家兒偶誤攜去爾、吾實不知焉、

時人以為行成與齊信不相能、授意其子、佯

為不知者、古事談長元八年薨、年六十九、公卿補任

齊信辭藻宏麗、才藝優長、與源俊賢藤原公



任藤原行成其名相上下世稱四納言愚管

及薨朝野惜之榮華物語藤原伊周嘗論曰公任

齊信可謂詩敵譬諸相撲公任善倒人而不

能倒齊信至文章亦為伊周所許江談後一

條帝修清暑堂神樂公任當擊拍子時齊信

隨班坐公任上公任以為彼非能管絃者必

辭之乃試為讓齊信不辭擊之始終協律事

竣公任謂齊信曰足下何時習之曰是亦朝

儀一事不可不知是以略學焉耳古事談十訓齊

信多子皆大養弟公信為子無何而卒榮華物語

又養右衛門督藤原懷平子經任經任累歷

參議左兵衛督檢非違使別當權中納言叙

正二位至權大納言治曆二年薨公卿補任


源俊賢左大臣高明第三子仕圓融華山一

條朝歷侍從兼備後介左近衛少將補藏人

任右中辨兼太皇太后宮權亮公卿補任俊賢素

與關白道隆相善道隆私謂俊賢曰藏人頭

自古重其選方今才能見稱者誰乎對曰亡





踰於僕者、道隆領焉、遂擢補藏人頭、由是俊賢常德道隆、古事談既而敘從四位下、兼右兵衛督、長德元年任參議、尋兼勘解由長官、右近衛中將、治部卿、播磨守、累敘正三位、寬弘中任權中納言、敘正二位、寬仁元年任權大納言、尋上表辭之、為民部卿、萬壽四年薨、年六十九、公卿補任俊賢嘗從關白賴通遊北山路、有堂舍、眾將入、俊賢止曰、適日北方不塞、恐將有凶穢、驗之果有載屍車、置廡下、眾嘆服。

古事談、二子顯基隆國、尊卑分脈隆國自有傳、顯

基隱逸傳

藤原公任、關白賴忠長子也、公卿補任天元三年

加元服於清涼殿、帝親授冠、日本紀略、帝親授冠、據扶桑略

記、○按略記、為二年事、恐誤、敘正五位下、日本紀略、公卿補任、歌仙傳、

尋為侍從、永觀寬和間、任左近衛權中將、兼

尾張伊豫權守、進正四位下、永祚初補藏人

頭、兼備前守、正曆三年拜參議、長德長保間

兼左右衛門督、檢非違使、別當、任中納言、敘



正三位補公卿為人聰敏博綜衆藝善賦詩工

音樂最長和歌參取大鏡十訓與源俊賢藤

原行成俱為納言掌典禮而至於朝儀式目

則多出公任之手議者謂進退禮容不及其

所識江談寬弘初藤原齊信位次超公任公

任缺望稱疾不朝上表辭職不允遣右中辨

藤原經通就第敘從二位促令入朝續古無

幾任權大納言進正二位兼按察使公卿攝

政道長與羣卿遊于大井川浮詩歌管絃三

船各選其才乘之道長謂公任曰足下多能

將駕何船公任請乘和歌船他日語人曰使

我作詩如歌者必播名于世悔當時不駕詩

船大鏡古事談○十訓鈔袋草萬壽元年喪

其愛女憂念不輟遂上表致仕意欲薙髮然

恐兒孫不肯從託造堂避方忌而入北山長

谷別莊遂祝髮為僧性素不好色其妻先為

尼自是獨居常樂閒寂榮華長久二年薨年

七十六扶桑略記世稱四條大納言榮華所著有



北山鈔和歌九品論義新撰髓腦前十五番  
名所和歌集及深窓秘鈔金玉集等書又撰  
和漢朗詠集授女婿藤原教通又撰以下十訓鈔女婿姓  
名據榮華物語公任受業於高岳相如以故朗詠集  
中多載其句江談鈔嘗與具平親王論和歌曰  
貫之歌仙也親王曰何得及人麻呂公任不  
然之後日各撰秀絕十首議之八首人麻呂  
勝一首優劣不辨而貫之僅得一首勝耳古事  
談袋草子公任心不服退自撰歌仙三十六人秀

歌左右相配至今傳世袋草子左右相配據藤原為家弘長歌合

序子定賴兼工書寬弘中歷

定賴美姿儀善和歌榮華語

侍從右近衛少將長和三年為右中辨兼中

宮權亮公卿補任是歲帝將幸春日社定賴為行

事時定賴從者與敦明親王奴鬪爭定賴怒

令從者毆之幾死親王訴之於帝帝方震怒

敕藏人藤原永信下宣遣檢非違使收定賴

從者及用事者中務丞源光成進士橘為通



左大臣道長奏曰、捕其諸司官人進士輩、於事不細、當以敕命傳於臣、而永信直下其宣、請先論永信罪、於是帝暫停宣、既而收定賴從者、停其行事、五年大嘗會、定賴當為行事、攝政賴通雅知其惰慢廢事、用右少辨藤原資業代之、乃語眾曰、若定賴才能賢則賢、然緩怠亦甚、我聞博雅才人文筆管絃無所不該通、而天下緩怠之白者也、定賴豈其匹邪、白者猶言知名者、小右記定賴嘗詐稱關白賴

通之言、嘲源顯定、賴通聞之、面責曰、攝關豈嘲人乎、由是停朝參、幾半歲、蓋顯定黨賴通、定賴黨教通、其相惡如此、江談鈔寬仁元年敘正四位下、補藏人頭、公卿補任定賴嘗與諸殿上人飲於尚侍直廬、與藤原兼房互相嘲謔、兼房怒陵辱之、藤原資業勸定賴罷歸、兼房欲奪其冠、定賴走而免、兼房追至其家、投瓦礫於門內、大詈而還、世譏其為藏人頭、而威嚴不行也、小右記四年任參議、兼右大辨、治安二

大日本史 卷一百四十一 小傳 十一



年敘從三位長元中任權中納言長久三年  
 奉敕書宮殿榜特賞敘正二位尋兼兵部卿  
 寬德元年以病免乃薙髮明年薨年五十一  
 補公卿初一條帝行幸大井川定賴與父同扈  
 從帝命羣臣獻和歌公任心竊願定賴作秀  
 歌既而講師唱定賴歌曰美頭茂奈久瀨曳  
 和多流河那於保為加波公任憮然色變至  
 唱弭彌廼模美治波阿迷登不禮登母之句  
 欣然曰謂之秀歌亦可

西行  
談鈔

藤原行成右近衛少將義孝長子也祖父伊  
 尹養為子寬和中為侍從任左兵衛權佐永  
 祚正曆間兼備後權介敘從四位下長德元  
 年擢藏人頭公卿初行成與藤原實方論事  
 殿上實方不堪怒取行成冠投之中庭行成  
 不敢與之抗使主殿司取冠著之徐曰何以  
 至此帝偶隔蔀見之以為器度如此足以任  
 事古事談會藏人頭源俊賢遷參議帝問曰  
 誰可代汝者俊賢以行成對帝曰階級卑賤



難遽超擢俊賢曰行成才能過人足司獻納何以資望之淺沮其登庸夫君人者在務知人知人則賢者益進德小人自懷戒否則政事不能無愆失惟陛下察之帝然其言翌日補之鏡大先是行成坎墮日久怏怏不樂欲薙髮遁世俊賢素服其才慰諭曰窮達有命宜勿屈志足下有家寶否行成曰我有一劍累世重器也俊賢曰當急鬻為資以祈榮達我且竭力推獎古事談及行成任納言班在俊賢

之上而深感舊恩每坐讓席古事談尋歷民部權大輔左右中大辨兼大和權守長保三年任參議兼侍從叙從三位寬弘中兼皇太后宮權大夫為兵部卿任權中納言長和初至正二位寬仁中兼太宰權帥轉權大納言萬壽三年兼按察使明年薨年五十六公卿補任性直諒古事談多才藝愚管最長書法冠絕當時十訓世與兼明親王藤原佐理並稱江談鈔一條朝奉敕題宮闕禁門榜帝褒賞特進



其位公卿補任時敕修飾僧空海所書美福門榜、  
 行成設空海肖像、使大江以言作文祭告之、  
 而後潤色、世傳往時小野道風謗毀空海榜、  
 字、忽手顫不能成字、蓋行成懼有崇、其謹飭  
 如此、古今著聞集凡行成每題榜、必記位署姓名、  
 於其背、佐理不然後、人涉疑似者、由是決焉、  
 徒然、後一條帝戲使侍臣各出扇於御前、而  
 觀其意趣、巧拙、以科優劣、謂之殿上扇合、行  
 成未顯時、有此戲、眾競彫飾金銀珠玉、以誇

其美、行成唯髹漆其柄、黃紙製之、書樂府數  
 句、楷草相半、筆勢殊絕、帝把玩、歎賞不已、取  
 而藏之、古今著聞集初行成遽補職事、任辨  
 官、以故禮典多失墜、及稍練習、還優等輩、時  
 人謂問學之力也、古事談四納言嘗相會蹴鞠、  
 鞠逸落場外、公任戲曰、眾中脫有非大臣大  
 將之子者、須攝鞠來、蓋斥行成也、行成艷然  
 曰、嗟乎、使先人享壽、則大臣大將、豈為難得、  
 而不幸早世、為卿曹受侮如此、公任默慙失



言十訓長保中捨外祖源保光舊宅創世尊

寺日本紀略百鍊鈔外祖據尊卑分脈也後世

傳行成書法稱世尊寺家樣尺素其目錄曰

權記又著東宮年中行事二卷仁和尚寺書

實經良經行經榮華物語行經為藤原長家

養子儀容閒雅善和歌榮華物語寬德中任參議

永承中兼兵部卿至從二位公卿補任妙于書頗

有父風子孫相繼以書稱于世尊卑分脈

大日本史卷之一百四十一終

大日本史卷之一百四十二

列傳第六十九

權中納言從三位源光圀修

男權中納言從三位綱條校

玄孫權中納言從三位治保重校

藤原師實子師通家忠孫教長

源師房子俊房顯房

藤原師實關白賴通子也天喜中敘正五位

下為侍從左近衛權中將進從三位任權中



納言、轉權大納言、康平三年為內大臣、治曆元年任右大臣、敘從一位、延久初兼東宮傅、尋轉左大臣、公卿補任、後三條帝即位、銳意圖治、務革舊弊、榮華物語、續古事談、前此天子多藤原氏所出、而政柄皆歸外家、帝天資英明、加以三條外孫、不假攝籙權、自在東宮、每惡賴通專恣、賴通亦知不為帝所容、屏居宇治、榮華物語每戒師實曰、汝勿一日闕朝參、宮中無事亦候、帝令藏人覘殿上侍臣、日二三次、便報曰、

某在某不在、而師實無一日不在、直廉問累月、夜遽召師實問語、問曰、卿有女乎、對曰、有一女、帝曰、嬪事東宮、師實拜謝而出、師實實無女子、養妻女姪賢子、以是對焉、師實欲告之、賴通是夜趣裝至宇治、告謝賴通曰、小子常奉慈訓、不怠朝參、今日果荷此榮命、實大入之賜也、賴通感喜出涕、賢子入東宮、甚獲寵幸、既而太子即位、是為白河帝、立賢子為中宮、愚管初賴通讓關白於弟教通、約曰、後



傳之我子、而教通遂背其約、賴通飲恨而終、  
 承保二年、教通寢疾、臨終、奏請、使子信長襲  
 職、帝許之、師實失望、帝偶至中宮、后梳髮、淚  
 墮濕席、帝怪而詰之、后曰、左府聞陛下欲令  
 信長為關白、不堪憂愧、將晦跡林藪、若然則  
 妾亦與君王永訣矣、帝大驚、俄召職事、敕師  
 實為關白、古事談堀河帝受禪、改關白為攝政、  
 寬治二年、拜太政大臣、尋辭、四年、復為關白、  
 而視事如攝政、嘉保元年、辭關白、許之、而隨

身兵仗如故、聽輦車入宮、康和三年、祝髮更  
 名法覺、是歲薨、年六十、公卿補任、尊卑分世  
 稱後宇治入道、又稱京極關白、尊卑分世其日錄  
 曰京極關白記、據後三條帝即位子師通、家  
 忠、經實、能實、忠教、經實、正二位大納言、家稱  
 大炊御門、尊卑分世二條帝即位、推外祖父之恩、  
 贈正一位太政大臣、今能實正二位大納言  
 稱小野宮、忠教、正二位大納言、稱難波、尊卑分世

參取公卿補任

大日本書紀 卷一百四十二 列傳 三



師通稟性豁達好學不倦博通百家兼工篆

隸絲竹從大江匡房受經史又就太宰帥源

經信學琵琶有水藍之譽外記延久承保間

累遷敘正三位外記承曆元年拜參議

兼左近衛大將公卿補任水左記職原鈔

始按前是巨勢野足藤原冬嗣等永保中至

內大臣嘉保元年代父為關白敘從一位外記

補日記公卿師通好賢愛士進文學之士黜勢

利之徒嘉保永長間天下肅然康和元年寢

疾上表辭職外記尋薨年三十八外記日記

鏡今世稱後二條殿源平盛衰記其日錄曰後

二條關白後二條匡房嘗稱曰望公威容

大不類世間人恨不令異邦人見之外記日

初嘉保中延曆寺僧徒奉神輿犯闕訴事師

通使中務丞源賴治拒之射殺神人僧徒大

怒詛師通適師通薨世以為神崇源平盛衰

賴治據是時白河法皇禪位仍親政事百司

常填于門師通嘆曰豈有禪位之君而立車



於門者乎、自師通亡、法皇益無所憚、時人嗟  
 惜焉、鏡今子忠實自有傳、家政正三位參議、性  
 峻急、時人謂之三條惡宰相、家隆從四位少  
 納言、尊卑分脈、今鏡家忠序齒應為關  
 家忠家稱花山院、延久應德間、累遷權中納  
 言、敘從二位、寬治二年進正二位、五年轉權  
 大納言、公卿補任師通薨、家忠序齒應為關  
 白、然父師實以孫忠實為己子、意欲使為攝  
 籙、帝乃使忠實視太政官事、康和五年、右近

衛大將關家忠欲得之、法皇亦欲以其寵臣  
 藤原宗通任之、家忠私與忠實謀、忠實曰、無  
 復他計、憑中宮為內援、庶幾得志、家忠從其  
 言、密請中宮、中宮知法皇之意、不可奪、不為  
 之先容、既而法皇遣右大辨藤原宗忠言旨  
 於帝、會帝在便殿吹笛、宗忠進奏、帝故為不  
 聞、宗忠承間復奏、帝不應、猶吹笛徐起入內、  
 宗忠恐法皇之譴、請速得報、帝乃出曰、以宗  
 通補大將、唯命是聽、而朕有所惑、昔有教敕、



政之大者莫過於官人上自大臣大將下至  
 勅負尉妙簡器用一從輿議之所歸朕深服  
 膺以朕心擬之權大納言家忠位次才望非  
 宗通之比何舍此取彼若有逸羣之材則雖  
 位卑官微超擢而可也未聞宗通才過人汝  
 以是奏之宗忠反命法皇愧服乃以家忠任  
 之鏡今保安元年關白忠實因事失法皇旨法  
 皇怒停內覽欲以家忠代之與其親臣藤原  
 顯隆議顯隆曰稻荷祭日棚閣上事何如法

皇乃止先是流言稻荷祭日家忠與其姻家  
 藤原顯季等會飲棚閣上甚失卿相體顯隆  
 以是譖焉愚管明年轉左近衛大將天承元  
 年拜左大臣敘從一位保延二年聽牛車入  
 宮是歲薨年七十五子忠宗權中納言公卿補任  
尊卑所著有監要記仁和寺書孫忠雅太政  
分脈大臣忠親內大臣稱中山公卿補任所著有  
 水鏡山槐記仁和寺書  
 教長小字文珠忠教子也工和歌善書學佐



理楷法

鏡今

大治康治間累進至藏人頭拜參

議久安五年叙正三位保元元年遷左京大

夫

公卿補任

為崇德上皇所親昵上皇將起兵教

長諫不能止深以為憂私告內大臣藤原實

能實能又附教長奏陳不可皆不納及事敗

教長薙髮居廣隆寺

保元物語

法名親蓮

尊卑朝

廷以上皇近臣遣人逮捕流于常陸浮島

保元

據物語浮島

應保二年召還

一代要記

後隱高野山

以終焉

鏡今

所著有拾遺古今

仁

和寺書

教長

弟賴輔永曆中任豐後守應保仁安間為太

宰少貳皇后宮亮嘉應中拜刑部卿至從三

位

尊卑分

壽永二年平氏奉帝入太宰府賴輔

命子賴經拒之

平家物語源平盛衰記

文治二年薨

尊卑

分

賴輔大鼻人呼曰鼻豐後

平家物語源平盛衰記

源

源師房始名資定具平親王長子

公卿補任

源

甫生二歲親王奇之曰此兒有將軍相後必

為大將

續古事談

及長才識博洽善屬文兼工和

歌

今鏡

關白賴通約為父子



鏡作道以其妹妻之或有竊言其醜者師房

曰夫婦者暫時之偶合美惡不足以累心實物

集榮華寬仁四年敘從四位下賜姓源朝臣

更今名尋任侍從右近衛中將萬壽元年累

進敘從三位三年任權中納言長元康平間

為權大納言兼右近衛大將治曆元年拜內

大臣後三條帝即位轉右大臣大將如故聽

輦車入宮門白河帝登極益加優異敘從一

位聽牛車轉左近衛大將尋兼皇太子傅承

曆元年以病辭官職優詔不允公卿補任遣藏人

頭源俊實就第拜太政大臣是日薨年七十

扶桑略記稱土御門尊卑分脈所著有敘位除目

鈔土右記仁和寺書子俊房顯房師忠廣綱

師忠正二位大納言稱澤大納言廣綱從四

位下攝津守尊卑分脈

俊房天喜中敘從二位任參議公卿補任前齋院

娟子內親王與皇太后同居俊房與之姦皇

太子大怒奏帝將正其罪帝不得已停其朝



參榮華物語既而進正二位任權中納言然

終後三條世不得大用承曆中任大納言尋

兼陸奧出羽按察使公卿補任永保二年右大臣

缺帝擇其人不決與大江匡房議匡房乃推

俊房帝曰朕亦以為然然顯房見為中宮父

今若不補恐披剝辟世其餘先進亦多冀望

者朕以是難為匡房曰大臣非序進之官要

在得其人况顯房既歷國司乎帝曰歷國司

人陟大臣非無其例如菅原道真是也匡房

曰博士不在此限且揆之人情豈有弟而媚

疾兄之登台司者哉鏡今乃拜俊房右大臣明

年轉左大臣寬治七年兼左近衛大將扶桑略記

公卿補任明年敘從一位嘉保三年聽輦車保安

二年致仕祝髮公卿補任號寂俊尊卑分脈後薨

年八十七公卿補任稱堀河左府今鏡尊

日錄曰水左記仁和寺書籍目錄俊房練達

政事自祖具平三世相繼有文才兼善書殿

門榜多其所書後拾遺往生子子師賴博聞強



記有才藻、鏡受業大江匡房、古今集永保承

德間稍遷任參議、兼右兵衛督、公卿補任堀河朝

左大辨源基綱、右大辨藤原宗忠等、皆以後

進超師賴、為權中納言、師賴不平之、家居不

出數年、由是罷右兵衛督、崇德帝以頻年天

變屢見、敕諸道博士、言所以禳之、皆言宜起

才能之士、不令其抑鬱、則副天心矣、於是

以師賴任權中納言、古事談就職後為釋奠上卿、

每事諮訪、然後行之、藤原成通勞曰、公久家

居、不從公事、宜其降心訪求、恐有失誤、師賴

顧曰、入大廟、每事問、無復他語、成通悔愧焉、

十訓錄亡何轉大納言、敘正二位、公卿補任、

保延五年夏旱、祈雨丹生、貴布禰、師賴奉行

之、時大內記有故、不會、少內記文屋相永攝

事、不能作宣命、師賴代書、退曰、此宣命必應

得神感、果霽沛三日、古今集是歲薨、年七十、

尊卑分脈○公卿補任、稱小野宮、弟師時、師

俊、尊卑分脈師時善詩歌、有才名、為匡房所稱、鏡



至正三位、權中納言、兼皇太后宮大夫、公卿補任

所著有沓記、印本尊卑分脈長秋記、仁和寺書籍目錄師時

既薨、鳥羽上皇命其家上之、藏鳥羽北殿、題

櫃上曰權大夫次第、鏡今師俊亦累官至權中

納言、公卿補任尊卑分脈

顯房善和歌、文學雖不如兄、頗有時望、鏡今後

冷泉朝、歷侍從、右近衛少將、中將、為藏人頭、

兼近江周防介、伊豫權守、任參議、叙正三位、

再遷為權大納言、公卿補任白河帝即位、以中宮

父超兄俊房、兼右近衛大將、榮華物語永保三年

俊房轉左大臣、顯房代為右大臣、仍領右近

衛大將、公卿補任、參取扶桑略記、今鏡、榮華物語寬治七年寢疾、

帝敕赦輕囚、以救其病、中右記嘉保元年叙從

一位、是歲薨、年五十八、公卿補任、中右記、尊卑分脈帝哀

悼、為廢御膳、輟朝三日、贈正一位、中右記世稱

六條右府、尊卑分脈初治部卿源隆俊有女、為擇

其婿、召相者問俊房顯房孰可者、相者答曰、

後皆至大臣、又問兄弟孰榮、曰弟最榮、或生



至尊或出一人必在斯人之後後子雅實至

太政大臣女賢子為白河帝中宮生堀河帝

果如其言鏡今顯房子雅實顯仲雅俊國信顯

雅雅兼尊卑分脈雅實自有傳顯仲從三位左京

大夫兼神祇伯公卿補任工和歌今鏡印本善書

十訓鈔古源俊賴奉敕撰金葉集顯仲心不

然之更著良玉集八雲御鈔仁和寺書籍目錄保延四年

薨年八十一一代要記雅信正二位權大納言國

信正二位權中納言公卿補任家稱坊城尊卑分脈顯

雅正二位權大納言保延二年薨公卿補任家稱

楊梅尊卑分脈顯雅性疎率無才能古今著聞集世謂

不能作詩而至公卿以顯雅為始古事談堀河

帝善吹笛嘗謂侍臣曰朕欲奏五常樂急百

遍卿等視草木將舞乃吹垂五十遍伶官時

元揭簾曰樹動果如明詔坐者善其對顯雅

率爾曰非樹自動風吹之也滿坐皆掩口古今

著聞集體源鈔雅兼有木識善詩歌今鏡天承元年敘

從三位任權中納言公卿補任白河帝亟稱其才



幹嘗謂鳥羽帝曰吾嘗用藤原通俊大江匡房實近古名臣自謂得其人今雅兼殆不下

此輩古事談保延元年以病辭職朝廷每有大

議鳥羽帝引見而諮訪焉鏡今康治元年薨年

六十五世稱薄雲中納言尊卑分所著有禮記

仁和寺書目錄

大日本史卷之一百四十三終



